



PAMFLET

374












T 170

ADVERTISSEMENT  
Vande Staten vā He

negouwe van hunlieder antwoorde op de  
Bequeste versoekende liberteyt van  
Religie ende exercitie  
van dien.




M. D. LXXVIII

374  
39



ADVERTISSEMENT  
Gedrukt te Amsterdam bij J. J. J.

Deze is een afschrift van een  
handschrift, dat in de  
Bibliotheek van de  
Koninklijke Academie van  
Amsterdam is.



M. D. LXXVII



**M** **P** **R** **E** **S** **E** **N** / Op heden zijn ons  
ghegheuen sekere letteren van zijnder Alteze met de Re-  
questen ghepresenteert by de Protestanten vande nieuwe  
Religie om te hebben vry exercitie van dien met oock het beworp  
van sommighe articulen daer op ghemaecke / om op dien te leeten  
ende aduys daer af te gheuen.

De welcke aengaende / om die groote swaricheyt ende impor-  
tance van het seyt / ende teghen het welcke alle gheloonighe Chri-  
stienen ende Catholijcke hun behooren teghen te stellen / sonderlin-  
ghe de welcke begheiren te vollooen ende ghetrouwe te bliuen  
Ghede ende de menschen in hunnen eedt ende beloften . Soo  
heeft ons ghedocht profijtich te wesen ende van noode vlieder te  
kennen te gheuen ons intentie ende meyninghe . De welcke is /  
dat wy in gheender manieren en verstaen oft willen daer af hoo-  
ren spreken: veel min gheuen eenighe openinghe / inganck oft con-  
sent tot soo danighe Requeste ende artikelen / om de te seer schade-  
lijcke nauolghinghe / oft oock te willen dissimuleren oft laten door  
te passerē het minste punctkē wesende tot achterdeel van onse heyl-  
ighe oude Catholijcke ende Apostolijcke Ghelooue ende Religie  
vande Roomsche Kercke . Protesterende wederom voor Gode  
ende de menschen / met de hulpe van zijnder Goddelijcke goetheyt /  
dat wy die willen houden ende voorstaen oock totter doot toe / en-  
de tot der seluer eynde imploieren lijf ende goet / leuen ende eere /  
ende al dat ons Gode verleent heeft / ende in dien respect te vol-  
brenghen ende te voldoene tghene dat wy daer inne schuldich zijn /  
al waert oock alsoo dat alle de weirelt hem daer wilden af trecken /  
ende hun selue vergheende soo grootelijck ongaen. Wetende en-  
de wel bekenende hoe grootelijc dat importeert tot onse salicheyt  
ende dat lijdende ende toelatende het minste punct soude bresse ge-  
noech wesen om niet alleene te renuerieren alle orden van iustitie  
ende policie ( ghelijckmen dat by daet in sommighe plaetsen ghe-  
noech ghesien heeft ) maer oock om te enenieren onder de voeten  
te brenghen ende gheheelijc te bederuen ons voorschreuen heyl-  
ighe ghelooue ende Religie / wesende die in sommighe plaetsen alree  
soo jammerlijcke te cort ghedaen / ons cauenserende onsprekelijcke  
A V doeshere



droefheyt ende benautheyt/ ja wesen de tot onser eenwigher schande ende blame/ ende tot irreparabel schandael/ infamie ende achterdeel van alle dese Nederlanden.

Ende hoe wel dit fondament behoort ghenoech te wesen voor alle redenen. Soo cest oock datmen niet en can gheloochenen dat door de pacificatie van Ghendt int iij. ende vierde artikel het punt vande heylighe Catholische Apostolische Roomsche Religie/ is expresselyck en openlyc ghehouden in zyn gheheel voor de provincien van herwaerts ouer met seker ende stercke hope/ ja met claere beloftenisse sekerlycke ghedaē/ dat als den vyant soude verslaecht wesen ende dat de saken vande lande soude ghestelt zyn in ruste/ dat de selue heylighe Religie/ door de vergaderinghe vande Generael Staten/ die dan soude moeten ghehouden worden/ soude wederom benesticht ende int gheheel inghebrocht wordē inde provincien van Hollandt ende Zeelandt ende de medegheallicerde/ oft minners te minsten dat daer soude orden ghestelt worde/ aengaende het seyt ende exercitie vande Religie. Soo veel te min behoortmen te verdraghen oft toetelaten dat herwaerts ouer yet soude gheschien tot achterdeel vande selue Religie.

Het is oock certein ende niemant en cant gheloochenen dat by der eeuwich edickt ghemaect tot weder beuestinghe ende versterckinghe vande voorszeynen Pacificatie van Ghendt int xi. artikel/ wy altesamen hebben beloofst ende gheswozen op ons conscientie/ trouwe ende eere voor Godt ende de menschen/ te onderhouden ende te beschermen ons voorszeynen heylighe ghelouue ende Religie in als ende gheheellyck: Het welcke zyn acten openbaerlyck bekent/ gheprient/ ghepubliceert in alle plaetsen van iusticie/ ende de gheheele weirelt ouerstroyt.

Daer en bouen moetmen ghedachtich zyn dat de Staten Generael naer hunne gheheele vergaderinghe ende vnie vande xvij. landen/ hebben naemaels de selue protestatie ghedaen door vele ende diuersche brieuen die sy gheschreuen hebben soo aen onse Conincklycke Maestlaet als aen den Keyser/ aen Coninghen van  
Granche



Oranckeerijcke en van Portugael/ aen de Coninginnen de moeder van Oranckeerijcke ende van Engelandt/ aen de Hertoghen van Sauoye/ van Loreyne/ van Cleue/ van Ghuyse/ ende finalijck aen alle Princen ende Potentaten bynaest van alle Christenheyt. Dwelck verbaelijck soo in volke vergaderinghe vande Generael Staten/ als int particulier dickmaels verhaelt ende ventent is en dat mede in de teghenwoordicheyt vande Legaat ghesonden wesende van onsen heylighen Vader den Paus.

Alle welcke verbondinghe/ brieuen en protestatie en moghen/ noch en ist niet gheoorloft te niete te doen/ te herroepen oft te veranderen/ ten sy dat wy willen ghehoudē worden voor meynedige/ ende van een yeghelijck gheacht als het infaemste volc des weirelts.

Ende oft ware dat de ghealieneerde en afgheweecken van onse heylighe Ghelooue en Religie sonderlinghe die van Hollandt ende Zeelant/ wildē voor niet houden en van gheender weirde de voorszreue rescriptien en protestatien en ooc het voorszreuen eeuwich Edict op de beuestinghe van dien/ als daer inne niet ghesenteert hebbende (dwelck sy nochtans niet en souden connen geheel goetdoen) moeten nochtans door rechte redene ghedooghen dat de xv. landen van tbeghinsel met malcanderen vereenicht / (hebbēde met eendrachtich consent ende ouercominghe voortghegaen in alle hun affairen en saken) hun woort houden en hunnen eedt bewarē. Aenghesien dat sy selue soo neirselijck willen in het hunne bliuen en houden . Soo datter tot nu toe gheen gheestelijcke persone bekend als soodanich en heeft in hun quartier verskert gheweest noch sonder perijckel. Niet teghenstaende nochtans alle die verbiutenissen/ alliancen ende vnien ouer beyde syde ghesloten.

Daer is nochtans soo veel af dat sy hun niet en connen excuseren van te hebben gheconsenteert/ gheswozen ende gheteekent de vnien namaels soo solemnelijck ghemaect. ende beuesticht door de Generael Staten/ ende noch veel de verclaringhe ende ratificatie van dien/ ghemaect ende wtghegheuen tot hunlieder versoecke. By de welcke niet alleene het selue punct vande Religie en is voor

A. iij

al ende



al ende princepalijck voorszehouden ende gheconfirmceert ende  
benesticht/maer oock alle gheestelijcke ende Catholijcke versecert  
ende bewaert.

Ende niet alleene en is in dese acten particuliere het voorszehouen punct vande Religie altoos wtgheseken gheweest/en-  
de gheprotesteert dat altoos gheheel/sterck ende onuerandert sal  
worden/maer oock de Generael Staten in allen hun proceduren  
hebben dit selue ghemeyntineert en ontbrekelyck willen houden.  
Ja dat meer is op dit punct ende fundament zijn sy ghecomen in  
tractaet van accoordt ende eendrachticheyt.

Ja selue mijn Heer de Prince van Oranienge in zijn eerste in-  
comste herwaerts ouer heeft met grooter solemniteyt ende met  
goede neirste belooft ende gheswozen/soo wel voorsz hem selue/als  
voorsz de voorszehouen van Hollant ende Zeelant/dat nauolghende  
de voorszehouen Pacificatie van Ghendt (om te ghebruycken de  
selue woorden) sy lieden niet en souden ghedooghen noch verdra-  
ghen datter in eenighe maniere souden gheattentceert oft voorszehou-  
stele worden teghen de ghemeyne ruste/ende merckelijck teghen de  
Catholijcke Roomsche Religie ende het exercitie van dien. Ja dat  
sy souden hulpen castijē ende straffen alle de ghene die souden wil-  
len door eenich schandaleus werck oft publijcke aenslaghen in eeni-  
ghe manieren beroeren de ghemeyne stillicheyt ende ruste. Dwele  
al is blyckende by Acten ondertceekent by zijnder hant confor-  
me d'intentien die de Staten altoos ghehadt hebben/datse nemmer-  
meer en souden toelaten oft ghedooghen eenighe ander exercitie  
vande Religie inde landen herwaerts ouer.

Daer en bouen mijn Heere d'Erstheroghe Mathias in zijn  
der ontfanghenisse tot het gouuernement heeft solēnelijc gheswo-  
ren te maintenirē en te beschermen inde landen van herwaerts  
ouer de voorsz. Religie en d'exercitie van dien. En dat de Pacificatie  
van Ghendt sal onderhouden worden in alle haer puncten en arti-  
culen/sonder in eenighe manieren die te moghen ouertreden oft  
violeren onder wat pretext ende couleur dat soude moghen wesen.  
Heere



Heeft oock selue mijn Heere de Prince van Oranienge beloof  
ende gheswozen aenbeirde den staet vā Luytenant generael.  
De welcke zijn al achten diemen niet en can looghenen om dat sy  
ghesonden aen alle particulier steden van dese provincien ende die  
copic van die in Latyn ende Franschois ouer al ghespreyt.

Ende noch niet teghen staende soo vele ende diuersche eeden  
ende beloften te verdraghen ende toetelaten (ist dat men se niet ter  
sont en wederstae ende verworpe) sulcke nieuwicheden ende ver  
anderinghe is om de waerheyt te segghen een sake niet verdrage  
lyck noch passeerlyc. Aufghelike is het onuerdraghelike dat die van  
Hollant ende Zeelant pretenderen en willen hebben voys int Ca  
pittel op de baet van dit seyt om alsoo te confunderen onse partije.  
De welcke ter contrarie ghedincende van den grooten swarē last  
die wy hun vanden hals af ghenomen hebben ende de weldaet die  
sy van ons ontfanghen hebbē door de Pacificatie tot onser achter  
deel ghelijck een yeghelijck wel siet/behoorden hun wel te depozite  
ren. Ende om niet ghenoteert te worden van groote ondanchbaer  
heyt te meet om te voldoen hunnen eedt/ behoorden wel te presen  
teren ende te gheuen alle hulpe ende bystant om te bedwinghen/  
reprimeren ende te castijen alle soodanighe eyghwillighe ende bes  
roerders vande ghemeyne ruste / ist dat sy willen ( soo het gheseyt  
is) hun quijten ende niet schijnen te zijne vande selue factie. waer  
op dat sy behooren wel te letten ende grootelijck te considereren.

Ende tswaerste bouen al/ ist dat sy en wy consenteren en toelaten  
een sake soo onredelijcke quade en ongoddelijcke/ soo en sullen wy  
niet gheen beter middel oft sake des weirelts approuberen / waer te  
maken ende metter daet te volbrēghen de prophecie van soo lan  
ghen tijdt te voren is ghepropheeteert en wtghesproken door den  
Secretaris Escouedo/ ende alsoo plaetse gheuen het valsche rapport  
van onsen ghemeyne vyant / ende zijn saken goet ende warachtich  
maken. De welcke onder selue pretext ende decysel vande nieuwe  
Religie heeft ghediffameert ende gheblameert ouer al de weireld  
ons Nederlandt als altesamen ketters / verraders ende rebellen  
teghen Godt ende onsen Prince ende Heere.

A. iij.

Ende



Ende alsoo condemnieren ende quaet maken onse goede canse  
ende beschermenisse / ende die berooven ende ontnemen haer ghe-  
rechticheyt het welcke ons soude behooren met alle rechte ons her-  
te te doorlingen ende ons te doen bersten van quaetheyt.

Al het welcke door officie van goede Liefhebbers der glorie ende  
cere Gods / ende ter beschermenisse van onse voorszeyden heylig-  
he ghelooue ende Religie / wy v lieden hebben wel willen com-  
municeren ende presenteren hebbende groote hope dat ghylieden  
aensamen meer aendachtelick sult considereren hoe grootelick dat  
wy hier in verbonden zijn / dan dat ghy sult letten op hun voort-  
stellen / dreyghementen ende aenslaghen ter contrarien. Het welcke  
wy hertelick van v lieder begheiren: Biddende hier mede de Heere  
Godt onsen schepper v lieder te gheuen

W Y N D E R E N / gheheel volbringen van  
v lieder Godvruchtighe begheiren / Ons hier mede aen v lie-  
der goede gratie hertelick recommanderende. wt Berghen  
Denegou Den xvij. Julij. 1578.

### Soo onderschreuen

De al wtten Goetwillighe Vrienden tot uwer dienst bercedt  
de H O O F D E ende G E D E P U T E E R D E N  
vande Staten van Denegou.

Ende onder

Ter ordonnance vande voorszeyde Heeren.

Onderteeckent

Carlier.





infe  
he  
er

nde  
pils  
ma  
den  
dat  
nt  
cke  
ere

van  
lie  
en

ede  
A